

No. F.14019/1/2020-SCPCR

:

Dated Aizawl, the 23<sup>rd</sup> June, 2023

### PRESS STATEMENT

**SOCIAL WELFARE & TRIBAL AFFAIRS MINISTER,  
ER. LALRINAWMA'N MIZORAM STATE COMMISSION FOR  
PROTECTION OF CHILD RIGHTS (MSCPCR) OFFICE A TLAWH A,  
INKAWM HONA HUN A HMANPUI**

Vawiin, June ni 23, 2023, Zirtawpni hian **Er. Lalrinawma, Hon'ble Minister, SW&TA** chuan naupang dikna leh chanvo humhalhna kawnga hma latu, **Mizoram State Commission for Protection of Child Rights (MSCPCR) Office** a tlawh a, an hnathawh dan leh kalphung te a sawi pui.

He hunah hian Dr. C. Lalsangzuala, Chairperson, MSCPCR, Member te leh Secretary leh Officer dang ten Minister hi an lo dawngsawng a ni. Inkawm hona hunah MSCPCR atangin Pi Lalengvari, Secretary chuan inhmelhriattirna leh Commission dinhmun tlangpui a sawi a; MSCPCR chu Mizoram pum viltu a nih avangin tuna Budget atang hi chuan duh anga hnathawh a harsat thu a tarlang a. Dr. Julie Remsangpuii Fambawl, Member chuan Commission hnathawh te leh hmalakna hrang hrang te entirin sawifiahna hun a hmang baw k a ni.

MSCPCR hi Dan in a sawi anga Mizorama naupangte dikna leh chanvo humhalh leh kenkawh a nih dan viltu leh endiktu a nih angin, **kum 2018** atang khan Commission chuan Mizoram chhunga **Naupang enkawlna In (Child Care Institutions)** zawng zawngte Inspection neiin a tlawh chhuak thin a, **Central Jail leh District Jail** a naupang kum-6 leh a hnuailam, an nu te avanga Tan-Ina awm ten hamthatna leh chanvo an neih te an dawng em tih te uluk takin a endik in a vil reng baw k a ni. Tin, Mizoram chhunga **Govt. leh Private enkawl Zirna-In leh Hostel** te pawh Dan-in a sawi angin enkawl leh kalpui an ni em tih a enfiah in a vil mek reng baw k a ni. **Covid 19** hluar lai pawh khan naupangte a bika enkawlna tur hmun ruahman a nih theih nan Sorkar-ah rawtna thlenin hma nasa takin a lo la a, Covid 19 avanga harsatna taw k naupangte leh an chungten an tangkai pui hle. Kumin **kum 2023-2024** chhung hian Commission chuan Mizorama **naupang enkawlna In, School leh Hostel** te enfiah leh endik hna an kalpui leh mek baw k a. Tin, naupang, a bika enkawl, tanpui leh chhanchhuah ngai te leh Dan nena inrem lova awm te chungchang **Case sawmthum (30)** chuang an lo bawhzuiin hma an lo lakpui tawh baw k a ni.

Minister chuan Commission hnathawh dan te lawmawm a tiin, Office lian lo te ni chung Commission-in nasa taka hma a lo lak tawhna te chu ram tan pawh chhenfakawm ni ngeia a hriat thu a sawi a ni. Minister chuan Mizo mipui ten naupang enkawl danah hmasaw nna tur tam tak kan la nei ni a a hriat thu a sawi a, a bik takin naupangte thu hla ngaihchan leh ngaih pawimawh nachang kan hriat deuh deuh a la tul hle a ni tih a tarlang. Hun lo kal leh zel turah pawh Commission hmasaw nna tura theihtawp chhuahpui zel a inhuam thu a tarlang baw k.

*Issued by*

*Mizoram State Commission for Protection of Child Rights*